

րող խօսեց թեմիս ս. Առաջնորդը՝ հրաւիրելով ժողովրդին օգնութիւն հասնել Ազանային կարօտալներին: Գովելի է սրբ. Առաջնորդի վառ սէրը դէպի կարօտեալ հայերը: Եւ մենք մի առաջարկութիւն ունինք անելու այդ առթիւ: Քանի որ նպաստամատոյց Յանձնաժողովը գոյութիւն է առել հէնց այդպիսի կարօտեալներին օգնութիւն հասցնելու համար՝ աւելի լաւ կլինէր Յանձնաժողովի մօտ գտնուած խոշոր գումարը ամբողջութեամբ և օր առաջ ուղարկել կարօտեալների պէտքերը հոգալու համար:

Գրիգոր Նիկողոսեանը «Հովիւ»-ի 11-դ համարում գրում է՝ ի միջի այլոց այս նշանաւոր յայտնութիւնը, որի վրայ հրաւիրում ենք Ազգիս վեհ, Հայրապետի և թեմիս ս. առաջնորդի խորին ուշադրութիւնը: «Խիստ ծանր և ճնշող տպաւորութիւն գործեց Պ. Բուրգի հայ գաղութի առաջաւոր մարդկանց վրայ օտարադաւան հոգևոր գործերի դեպարտամենտին՝ վանքի ա. եկեղեցու միաբանութեան մասին արած անհիմն մատնութիւնը, որով կառավարութեան և հայ ազգի մէջ բանասարկուի և խառնակչի նսեմ դերը կատարողը հէնց իրանք հայ հոգևորականներն են»: Այս յօդուածին խմբագրութիւնը ծանօթութեան մէջ աւերացրել է. «յարգ. յօդուածագիրը տալիս է մի քանի անձանց անուններ, որ մենք անյարմար ենք համարում առաջ բերել»:

ՆԱՄԱԿ ԽՄԲԱԳՐՈՒԹԵԱՆ

Իմ «Մշակ»-ում և «Սուրհանդակ»-ում տուած բացատրութիւնից գոհ մնացին բոլոր բարեմիտ և լուրջ մարդիկ: Այդ բացատրութիւնը, ինչպէս որ հարկն էր սպասել, գրողել է սագերին, որոնք այժմ ծածկանունների տակ թաք կացած վարագուրի ետեւից նորից խառնակում ու քրքրում են այդ խնդիրը, որպէս զի դորանով հասարակաց ուշադրութիւնը հեռացնեն խոշոր խոշոր զեղծումներից:

Ես իմ վերջին խօսքը ասել եմ թէ ս. Առաջնորդին և թէ մամուլին և իմ օրինական կերպով կատարած փոխառութիւնից մընացած մի քանի հարիւր ուղբի պարտքս իմ ընկերներին՝ յանձն է առել վճարել մի յայտնի ֆիրմա, որով իմ հաշիւը գոցուած է վաղուց: Իսկ եթէ զանազան ինտրիգաններ դեռ գոհ չեն իմ բացատրութիւնից, անշուշտ նսրա մէջ տեսնելով իրանց ապականուած պատկերը, այդպիսիները կարող են դիմել դատարան, որին են-

Թարգման էն օրէնքով բոլոր դրամական հաշիւներն ըննութիւնները, և ուր դատուել էն անխտիր թէ քահանաներ և թէ նոցանից բարձր հոգևոր պաշտօնեաներ:

Դիւօ աք. Աղանեան

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

Մոսկուա. Ա. Շ.—Սուքիաս արքեպիսկոպոսի ծախքով հրատարակուած «Ագաթանգեղոս» գրքի մասին Ձեր ուղած տեղեկութիւնները չենք կարող հաղորդել, որովհետև այդ գիրքը մենք աչքով էլ չենք տեսել և գաղափար չունենք նրա մասին: Դիմեցէք Ս. Մալխասեանցին:

Բաղու.—Ա. Յ. Թերթիս խմբագրի յայտարարած գրքոյկը մի փոքր կուշանայ, որովհետև ընդարձակ ծաւալ ստացաւ:

Կարս.—Դ. Ձեր յօդուածի տպագրութիւնը յետաձգուեց, որովհետև յօդուածի մի մասը ուղարկել էիք մատիտով գրած և գրեթէ անընթեռնելի, իսկ տպարանի համար պէտք է պարզ գրել, անպատճառ թանաքով և ցանկալի է՝ մի երեսի վրայ: Յառաջանը Ձեզ յետ ուղարկեցինք, որ պարզագրէք:

Բաղու. մեր գործակալին. «Բագուի» բոլոր նոր բաժանորդներին ուղարկեցինք «Լուսմայ»-ի այս տարուայ բոլոր համարները:

